

Sier Polo Valaresso ch' è di Pregadi, qu. sier Gabriel	62.112
† Sier Pandolfo Morexini el savio di terra ferma, qu. sier Hironimo.	98. 78
Sier Piero Contarini da Londra, qu. sier Agustin	50.125
Sier Piero Bragadin fo provedador so- ra le camere, qu. sier Andrea . . .	70.107
Sier Marco Antonio Contarini fo di Pre- gadi, qu. sier Alvise	55.121

*De Anglia, fo letere di 29 Avosto, dil Su-
rian orator nostro.* Come il Cardinal aspetava con
desiderio la risposta averà fata questa Signoria a
l' orator di quella Maestà, et a le letere scrisse esso
Orator; e altri colloqui hauti, et come bisognerà la
Signoria rendi li beni di ribelli volendo far la paxe.
Item, che le galie non è stà ancora licentiate fino
non zonzì questa risposta, et che li in Anglia tutti è
mal contenti di questa guerra, perchè li fanno pag-
gar et loro non voriano ste cosse.

A dì 21. La matina, Domenega. Nulla fo di
novo. *Fo letere di Roma, di l' Orator nostro, di*
18. Come il Papa havia auto due parasismi di ter-
zana, et li era stà mandato a dir che l' havia auto
questo ultimo alquanto fastidioso, et che si seguirà
altro subito aviserà. Il cardinal Sedunense stava
malissimo. Si aspetava le do barze di Zenoa con li
fanti spagnoli per mandarli a Rhodi.

Da poi disnar, fo Gran Consejo, non fu fato cosa
da conto. Fu posto per li Consieri la parte presa eri
in Pregadi, et fu presa. È molto longa, ha molti ca-
pi, la copia sarà qui avanti posta. 988, 47, 10.

Non fu fato Procurator ozi come fu preso, per-
chè sier Carlo Morexini qu. sier Batista, qual vol
dar li ducati 10 milia, ha fato intender si li banchieri
non voleno far le partide lui non vol esser tolto,
siccome hanno fato a sier Francesco di Prioli procu-
rator, qual resta a dar ancora zercha ducati 2400,
nè vien astreto a darli fuora; et à raxon. Dice: « Fe-
me dar le chiave de le zoie overo far le partide ». Il
Gusoni, il Pixani et Vendramin li feno uno scri-
to di ducati 5000 per uno, *tamen* ancora il Ven-
dramin non li ha fato la partida, perche 'l vol aver
etiam lui una chiave dil diamante over zoia è in la
procuratia di San Marco.

Vene in Colegio questa matina l' orator anglico
domino Richardo Pazeo, qual è varito. Ricomandò
maistro Francesco da la Memoria a la Signoria mol-
to, che l' ha medicato.

1522, die 20 Septembris, in Rogatis. 283

Non se die mancar secundo l' instituto de
maiori nostri da ogni necessaria provisione, acciò
che li magistrati siano distribuiti con quella equità
che se richiede per far de essi partecipi quel maior
numero di zentilhomeni nostri che sia possibile; et
però l' anderà parte, che salve et riservate tutte le
parte et ordini nostri in materia de contumatie et
altro, che dispona de i ditti magistrati non repu-
gnante al presente ordine, sia per autorità de que-
sto Consejo statuito, che tutti quelli, i quali *de coe-
tero* remaniranno ad alcun officio, o rezimento, si
dentro come de fuori di questa cità, di qual sia con-
ditione, o qualche Consejo o Colegio, excepti quelli
Consegii et Colegii che non desseno utilità, siano
obligati fra termine di zorni 8 haver aceptato o re-
fudà. Et aceptando, immediate se intendino esser et
siano fuori dil altro officio, Consejo o Colegio che i
havessero o del quale i fusseno, excetuando li Con-
segii di XL per li officii de dentro solamente, come
si observa; et continuando in quello, ogni atto che i
facessero sia de niun valor, nè li nodari o scrivani
lo debano notar, sotto pena di privation de l' officio.
Et Piero Brexan, o chi altri succederà de tempo in
tempo, sia obligato notar sopra il libro di le propo-
ste in loco loro per el primo Gran Consejo qual
sarà subito da poi l' accettatione; ma passati li giorni
8 non possano più accettar, e cussi l' aceptation, co-
me ogni refudason se debi notar de man propria
de quelli che aceterano, o refuterano, nè altramen-
te vaglia.

Li electi veramente che harano aceptato, se non
anderano a li regimenti sui a li tempi di le leze sta-
tuiti, se intendino esser, et siano immediate fuori di
quelli, et debano haver tanta contumatia come se
fusseno stati in essi rezimenti over altro tutto il
tempo ordinario, et in loco loro sia obligati Piero
Brexan prefato notar nel libro de le proposte per
el primo Gran Consejo qual sarà immediate. Passato
il termine al qual doveriano esser andati, non pos-
sendo dir che non hanno risposto in tempo, ma do-
vendo dir che non sono andati in tempo, debi *e-
tiam* Daniel Vido notarli sopra el suo libro de le
contumatie, havendo a servar verso loro quello che
cerca li altri è obligato. Et per poter meglio exequir
questo officio una volta a la settimana se fazi mon-
strar et dechiarir il tutto da l' antedicto Piero Brex-
an, il quale sia tenuto cussi far ad ogni sua rechie-
sta per observantia de questa leze. Il che *etiam* in